



Ukununnga
Inatsisartuni ilaasortat kiisalu
Sanaartornermut Ataatsimiititaliaq

13 OKT. 2016

13 MAR. 2016

**Inissianik attartukkanik inissiatut nammineerluni pigisatut tiguisarneq pillugu
UKA 2016/78-ip siullermeerneqarneranut atatillugu apeqqutinut
saqqummiunneqartunut akissutit**

Brevdato: 07-10-2016
Sags nr. 2016-13915
Dok. nr. 13806942

UKA 2016 imm. 78, inissianik attartukkanik inissiatut nammineerluni pigisatut tiguisarnermut tunngasoq 3. oktober 2016-imi Inatsisartuni siullermeerneqarpoq. Inatsisartut oqallinnerannut qutsavigerusuppakka, aammalu 28. oktober 2016-imi immikkoortup aappassanneerneqarnissaa sioqqullugu sanaartornermut ataatsimiititaliap isumaliutissiissutaata tigusissaanut qilanaarpunga.

Postboks 909
3900 Nuuk
Tlf.: (+299) 34 50 00
Fax: (+299) 32 52 86
E-mail: isan@nanoq.gl
www.naalakkersuisut.gl

Aallarniutigalugu ilisimatitsissutigissavara, Naalakkersuisut kontomut pingaarnermut 72.06.51 Inissianik tunisarneq, oqaasertaliussamik ilanngussinissamut siunnersuummik saqqummiussinialersaarmata, tassanilu illoqarfinni annerusuni illunik ilaqutariinnut ataatsinut inissianik aamma illunik affarleriinnik, Namminersorlutik Oqartussanit pigineqartunik Namminersorerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaannut nr. 12-imut, 19. november 2007-imeersumut ilaatitsinginnissamut Naalakkersuisut piginnaatinneqassasut allassimassaaq.

Taamaalilluni Naalakkersuisut inissianik attartukkanik pisinissamut qinnuteqartunut, Namminersorerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaat nr. 12, 19. november 2007-imeersoq naapertorlugu inissiamik najukkaminik pisinissamut pisinnaatitaaffeqaraluartunut itigartitsisinnaalissapput.

Immikkoortup 3. oktober 2016-imi suliarineqarnerani Inatsisartuni ilaasortaq Aqqaluaq B. Egede, Inuit Ataqaatigiit, kiisalu Anthon Frederiksen, Partii Naleraq, apeqquteqarput, taakkulu allakkatigit akineqartussanngorlugit innersuuppakka. Matuma kinguliani apeqqutit issuarneqarput, akissuteqaatitaannik malitseqartinneqarlutik:

Apeqqut 1: Atorfillit amerlasuut inissianik attartukkaminik akikitsumik pisisarsimanagerat, tamatumalu kingorna ukialuinnarni najoriarlugit akisunerujussuanngorlugit tunisarsimanagerat ilumoorpa?

Akissut: Namminersorerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaat nr. 12, 19. november 2007-imeersoq naapertorlugu inissiamik attartortumut tunisinermi inissiap akia niuernermi halinga tunngavigalugu aalajangerneqartarpoq. § 12-imi allassimavoq, naliliineq sulianik ilisimasalinnit attuumassuteqanngitsunit suliarineqassasoq.

Taamaalilluni Naalakkersuisut niuernermi naliusumik naatsorsuinermit sunniuteqarsinnaanngillat. Akiusoq niuernermi akiusut tungavigalugit naatsorsorneqarsimatillugu, tamanna akikinaarinertut taaneqarsinnaanngilaq.

Apeqput 2: Attartortoq inissiamik attartukkaminik pisigaangat, qanoq annertutigisumik akikillisaassisoqartarpa?

Akissut: Attartortunut illuutini attartortitsiviusartuni pingasunik amerlanerusunilluunniit inissartaqartuni najugalinnut, inissiap angissusia apeqqutaatillugu annerpaamik 225.000 aamma 665.000 koruunit akornanni akikillisaasiisoqarsinnaavoq. Akikillisaasiinermit attartortup piffissaq attartortuuffigisaa apeqqutaasarpog.


Attartortunut, illuni ilaqutariinnut ataatsinut inissiani aamma illuni affarleriinni najugalinnut akikillisaasiisoqartannilaq.

Apeqput 3: Illut inissianik sanaartornermut tapiiffiusut (BSU) inunnit aningaasaatilinnit pisiarineqartarsimassasut ilimanarpoq – illunik inissianik sanaartornermut tapiiffiusunik pisisut aamma 20-20-60-imik taarsigassarsisarpat?

Akissut: Illut inissianik sanaartornermut tapiiffiusut (ulluinnarni BSU-nik taaneqartartut) inatsimmi allami maleruagassiuunneqarput, tassanilu taarsigassarsisinnaanermut periarfissarititaasut 20-20-60-imik taarsigassarsisarnermut allaanerupput.

Neriuppunga matuma siuliani apeqqutit saqqummiunneqartut akisimassallugit, pisariaqartinneqarpallu itisiliinissamat soorunami piareersimavunga.

Inussiarnersumik inuulluaqqusillunga



Knud Kristiansen